


0  
1cm  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28



浙江圖書館





浙江圖書館





浙江圖書館





浙江圖書館





皇明名臣琬琰錄卷之二十六

李公積善墓誌銘

張君廷臣墓碑銘

斗山劉公墓表

企齋張公墓誌銘

鄭君信卿墓誌銘

渭川東公行狀

青石趙公神道碑

柳溪許公墓表

浙江圖書館

瑯琊

王世

貞續編



許宗魯

李東陽

韓邦奇

唐順之

劉龍

王維楨

李本



俞先生配潘安人合葬墓誌銘

潘恩

侯君進忠墓碣銘

吳寬

石川先生楊公墓誌銘

許魯宗

董朗洲墓誌銘

孫承恩

浙江圖書館



兩浙都轉運鹽使司運使李公墓誌銘

許宗魯

公諱慶字積善世家沔陽之景陵曾祖諱誠祖諱文  
旻皆隱居不仕而以長厚稱考諱旺以公貴贈奉政  
大夫南京禮部儀制司郎中妣楊氏贈宜人公明允  
淵塞得諸天賦弱冠補邑庠弟子員讀書綴交或竟  
日不越戶限同舍生或舞智欺之公一應以誠若不  
悟其欺者久之自愧服繇是長身愛少者敬皆曰李  
生君子也以久次升南離其持已接物如在邑庠時  
六館之士皆重之正統九年夏六月擢建昌府同知  
公在官眎其民猶子治官政猶己私事同官督民賦



者慮愆期為己累每歲十月輒督之期會嚴急民以  
為病公嘆曰十月江南收穫時也柰何遽責其輸賦  
邪乃下令曰賦當輸京者期臘月畢當留縣者期正  
月畢民間令大喜輸者麋至罔散後丁父憂去民稅  
留不得追送出境而後返服闋改南京戶部浙江司  
郎中南都糧餉自兩浙輸者十之六同官以浙多巨  
室凡朱墨楮筆裯袴之屬皆責輸者供之公既眎事  
一切罷之輸者歡呼尋丁繼母憂去服闋改南京禮  
部儀制司郎中南畿諸郡歲進表箋例送禮部轉以  
上聞奸吏需求百端或指櫃點畫之訛以求賂公



悉禁絕吏縮手不敢動陞浙江都轉運鹽使司運使  
兩浙鹽利為它運司甲巨商豪賈枚券者踵相躑于  
庭前此為運使者交通商賈富及僕隸公至官嚴簿  
書時出納絕請謁有持券請鹽者按歲月先後給之  
權貴請託皆謝絕不顧在官二年歲課三倍它使天  
順七年春公以老乞致仕歸至姑蘓疾作卒於舟是  
歲七月十九日也家人以其喪歸以十二月十八日  
葬于縣之方樂村諸葛嶺之原先娶蔣氏贈宜人繼  
娶莊氏封宜人一子萬鈞後公二年卒女二嫁同邑  
魏綱王瑜孫男二曰漢曰清孫女三公與人交久而



益篤聞其喪則為位哭之其居官廉俸祿所入多以  
贖宗族故舊之貧者日用不給則買貸以繼之其爲  
運使布衣蔬食處之澹然或譏其處脂膏中不能自  
閔公自若也歷官幾二十年所居第宅茅屋數椽田  
園不增尺寸歿之日妻子無以為喪嗚呼賢哉初公  
佐郡時予為縣學生公禮遇甚厚公為 部郎中而  
予為主客主事相得甚勸及予為湖廣布政使則公  
歿且葬也久矣清以莊宜人之命來乞銘乃叙而銘  
之其詞曰 漢江南匯古竟陵五華三蒞儲精靈稟  
稊朶秀為時英雅度恢恢碩以知出倅大郡子鰥惇



八佐司徒均輸征南宮典禮秉寅清醮臺敷政廉且  
明滉晏未敢擅休聳溘然化去藥雲軒葛嶺有竈何  
冥冥我最其迹誌玄扃百世有考徵斯銘

浙江圖書館





浙江圖書館



明故河東陝西都轉運使致仕進階中大夫

張君墓碑銘

館

李東陽撰

高河張氏故宦族五世祖世榮任元為散騎常侍避  
亂高河因家焉考諱紳以明經舉累官知均州進階  
朝列大夫致仕贈中憲大夫母王氏封大恭人君諱  
咨字廷臣少時日記數千言天順己卯舉山東鄉貢  
成化辛卯知光州先人故有知高河者聞君至出迓  
百里外君素悉其人一見後不復與通分廵某僉事  
屬為故人營私第君曰傷民財力而以媚人吾弗忍



也或匿人器物為所訟官捕之急乃撲殺其妻以誣  
捕者君給其繼母曰何為殺汝婦其母惶駭吐實其  
他隨事剖決庭無留案丁外艱丙申服闋改涿州抑  
彊植弱躬審戶籍徭役用平歲癸官庫貸民薄收其  
息以助逋賦汪太監直以大軍出供億繁重民恃以  
不擾梁太監芳奉

旨往建東嶽廟欲得君董役因以役州人君却以正  
義梁怒而去人皆危君竟亦無所害有霸州人高于  
涿被誣為盜君辯釋之其人畫像祝于家甲辰擢知  
澌輝府連歲大侵人相食君百計賑卹又為粥以食



流民所活甚衆後道保定有數十人羅拜馬首問之  
乃前年食粥者曰我輩非公死久矣因隨行數里戀  
戀不忍釋弘治戊申大疫死者相籍君度城東隙地  
為義冢瘞之城西北瀕衛水恒苦河患君於城南鑿  
支河水勢始殺尋丁內艱癸丑改九江會

藩王之國所過設行幄皆被錦綺君止用竹簟繒布  
省費十六七己未遷河東都轉運使解池鹽遇雨輒  
壞君先期給食貧者俾以時應役得鹽數倍盡補逋  
課又以羨餘市馬數千匹以給邊卒人稱其才壬戌  
上疏乞致仕以去蓋自筮仕至是三十年凡五



命皆專官獨任故志得意遂所至著聲績為部使所  
旌獲

錫誥命又以子貴進階中大夫顯于厥世其居家孝  
謹在光時嘗迎父養與兄順德府同知俾弟曲陽縣  
知縣吉從弟階州同知竒相交愛且教二弟于成公  
暇亦集諸生講解經義嚴家訓諸子未仕戒不服  
羅綺及其身貴時亦未見其華侈踰度也生正統丙

辰六月十七日卒于正德卒未三月二十六日壽七  
十六明年 月 日葬城南祖塋之次娶麟遊甄

氏工部侍郎儀之孫賢而早卒贈恭人繼臨邑趙氏



貴州叅政簡之孫少聞家庭讀通鑑輒能闇記歸張  
時君始得舉事祖舅及舅姑恪舉內職婚嫁賓祀必  
親經治鄉居嘗值歉歲所積俸入施及同族教子勤  
儉以織紵師誦讀至老不廢諸娣群婦皆以為得女  
師焉生正統庚申十月三日卒于正德乙亥十二月  
二十七日得壽如君之數甄恭人惟一女適

淑人生子三長九思例授七品階次九叙舉進  
士累官戶科左給事中次九霄舉貢士孫二長坤縣  
學生次在女孫三長聘鹽山縣學生劉炤曾孫女一  
君之葬九叙徵少師石齋楊公為銘比再入諫垣實



迎母養再踰年而淑人卒九叙將歸合葬以墓碑請  
初九叙為揚公禮部所校以文行簡入翰林為庶吉  
士三稔知其賢乃稽諸銘誌紀君名行且按給事中  
黃君臣狀以母德附焉銘曰書

張世儒業散于方州義教有方民事是優君所歷試  
兩州二府厥職既專厥施斯普政有難易實惟其時  
民之寒饑我食我衣矧惟病癘骼齒盈地我十其勞  
民百其利官有齷務惟食之端我固民牧惟民之安  
古亦有云先難乃逸歛而歸之我願終畢惟士有  
在國與民家有令子



國有諫臣諫臣峩峩實重言責惟政失得亦民休戚  
君惠在民君慶在家君世其昌吾銘匪夸

浙江圖書館





浙 江 圖 書 館



嘉議大夫長蘆都轉運鹽使司運使斗山劉公墓表

朝邑韓邦奇撰

正德初聞代之陽有劉鐵漢者公也秉猷持憲直躬逆時  
獲罪崔奸嬪死無悔幸而人謀効義天神協靈得再生焉  
當是時也群宦擅權瑾尤肆雲願指為皇制聲動即天章  
喜愠回生死呼吸撼乾坤于心忤意則汗渚宮墻希旨承  
顏則金紫嗣世迫脅海內燠煽朝廷文章之士牙籤錦軸  
頌德者盈几介冑之夫首功汗級呈勲者填門比當大賀  
之時適瑾有私家之慶公卿百執事嵩呼舞蹈於丹階者  
十惟八九而稽首崩角於瑾前者則濟濟罔缺焉是何時



也公何人也而與之抗昔東漢黨錮之禍如爐如鑊孔褒  
以投主爭死皇甫規以無名耻生千載壯之皆成仁取義  
之志公無愧焉嗚呼可以表其墓矣丙寅公總理遼東糧  
儲兼屯種瑾初擅權正急于貪或告瑾曰文官富有惟邊  
即耳瑾明言指意而公弗從瑾怒械至京師枷號示衆時  
枷重法嚴晝夜監守雖親交莫敢近他枷者多十日餘即  
死獨公枷月餘不死時公同郡王杙菴者以死侍側日夕  
不離公曰我死其職分也如君何主終不去方枷時有黃  
冠者至公即遺家人藥一九曰日剝一分服之盡則難脫  
是日公夢仙人自霄而下以一丸藥納之口覺而口尚有



明大中大夫資治少尹福建都轉運鹽使司運使李

公墓誌銘

何景明

正德十年三月三日致仕大中大夫資治少尹運使李公  
卒子汝佐以使于京赴其友人何景明景明哭于庭讀汝  
佐書曰先公嘗言求子生誌今死也已矣惟子圖之嗚呼  
予忍誌銘公邪雖然公知我于孺子知公宜莫能若我者  
予忍弗誌銘公邪誌曰公諱紀字朝振潞州人也中成化  
乙酉山西省試授故城知縣遷錦衣衛經歷臨洮府知府  
累遷至福建運使曾大父本大父日初皆長者不仕父貴  
贈錦衣衛經歷母宋氏贈儒人公魁岬甚莊望之若神僕



辯說聲如鼓鍾人咸尊憚敬聽之少好讀書苦刻父母慮而禁之莫從也自言曰苟弗欲事徃古天下焉已矣苟欲事焉弗讀書無能為也又善無遺忘一目過者老尚能口誦也以故稽古言當世皆秩秩有理敘可施弗直為虛詼已也故城縣俗昏議財多財為禮少財為恥貧家男女或壯老無以匹也公至盡召諸里耆曰夫昏也爾賣爾女邪俾爾女有家邪即賣女有大賈無用議二姓禮苦俾女有家而俾多出財貧空女何以能家也即人家終窘無財爾能俾爾女終無家邪自今昏有議財者有法法弗有貸于是縣中貧而匹者千人縣故有官地占于豪官莫能奪公



藥香監守者俱言見老人送藥忽不見於是喧聞九市上  
達朝堂而西麓張太宰乘此異言之瑾得釋為民後太宰  
又文宜起用以示公道遂授監察御史未幾而瑾敗朝野  
稱為鐵漢云若夫公幼而悟長而文持已之行正家之教  
範鄉之義涖官之政所當書者不具書而獨取公處死生  
大節彰彰於時者為世楷法云公諱繹字以成號斗山姓劉  
氏山西太原府代州西閩人也登成化丁未費宏榜進士  
初授戶部主事歷郎中改監察御史陞河南衛輝府知府  
陞長廬都轉運鹽使司運使進階嘉議大夫云





浙江圖書館



按文責地豪畏即出之還官乃歲以地出給貧民緩其征  
是時河間郡縣最稱故城縣治乃擢故城令為錦衣衛經  
歷六年擢臨洮府知府臨洮雜番夷桀難治公曰不操法  
示毒人無以遠惡也乃知其豪侮法慢令者治益尚嚴明  
吏民人人無不惴慄無敢冒文者其後人人乃得自緩不  
至蹈害郡則大治守日與寮張宴坐花行酒吹笙竽時與  
衛官擁旌旄伐金鼓出城行射較獵然人人亦喜觀曰太  
守甚樂孔武弗擾也洮水將壞城洶洶不可渡守登城指  
某山石可隄某山木可梁乃築石堤水去城三里伐木  
為八舟梁之在群剛方自持不能恭事上官上官多畏害



之都衙史有親故過府敗綿葛求守令于民為倍利焉守  
曰此何以令民也吾為民守終不能為都衙史親故敗而  
重利漁民將執之其人懼而遁讚于都衙史都衙史彈守  
降為長蘆運司同知或勸公曰運司財利府也人無有望  
身名陟者公又貧獨不計于女邪弗聽益峻自潔嘗赴京  
諸大商賈人張具于路遮馬留食公策馬超過之叱曰吾  
食汝邪于是御史嘉之上其名曰居可貧弗污者今見有  
李同知爾公嘗曰寧死不折寧貧不貪觀此公之言施矣  
然公為舉人時已能却金不為人干請蓋其方廉志性不  
移如此由長蘆擢福建運使一年乞致仕歸曰吾何以弗



已邪世之見用者予知之矣不富勢率通滑爾方者貶廉  
者塞吾無用矣吾何以弗已邪別號默菴晚又號漳東主  
人歸而築室讀書扁曰怡老雲窩好吟咏著有默菴集既  
疾會其親族子弟曰吾年止今日吾平生儉人以為嗇吾  
無人以為有夫誰知予者遂出篋笥開使共視之惟圖書  
衣幘而已公生正統辛酉七月二十三日壽七十有五配  
原氏封孺人先卒繼毛氏亦先卒繼趙氏男子五人長汝  
佐郡學生次汝佑儀賓次汝仕汝价汝儒女子一人菊姬  
皆毛氏出孫男子時可孫女四卜以是年四月四日葬南  
石曹之原景明從先君為驛丞時公使與汝佐同學朝夕



惠教即父師矣嘗謂毛夫人曰汝視景明母可以異汝佐  
手然毛夫人視景明不啻不異汝佐也先君致仕貧甚公  
餽之車馬其歸也集衛官送之郊亭上揚爵酌先君曰吾  
老交酌景明曰吾小友也夫予侍公三年也凡公所鑒識  
望勵予者皆德義風慕無窮之事豈有世俗庸淺之見者  
哉其所自負輿又甚宏遠深厚予以為有將相器業而卒  
鬱抑不究其用何哉豈古所謂賢人困厄廉士無名者邪  
予識公之言行甚衆不悉誌誌其大章章者銘曰嗟嗟棟  
梁直木衆莽玉瓚玄珪不遇大享委珮長裾嗟嗟泥塗厥  
施未光積則有餘有餘之積其施厥嗣乎



福建都轉運鹽使司運使企齋張公墓碑銘

武進唐順之撰

張公諱愷字元之號企齋後更以其所居為號曰東洛先  
世居江陰至公父始從無錫故今為無錫人公以成化甲  
辰中進士遭父喪服除授兵部職方司主事守山海關任  
滿改刑部主事落職為順德府管馬通判歷東平州知州  
黎平府知府又落職家居用言官薦起知太原府未任轉  
福建都轉運鹽使司運使致仕歸凡若干年而卒年八十  
有六為人狷介自植於不潔一無所屑其居官所至公廉  
執法不肯小有所訛其志其在山海關關故籍錢於旅人



以給官用公即移檄永平府使量出官帑代其費至今便  
之歷順德東平黎平三州郡皆有惠利在民務先禮教而  
後誅罰其自東平徙黎平也東平人至涕泣遮道不忍其  
去公平生既不受人一介人亦不敢輕以一介溷公自為  
進士服除赴選邑令贖之二十金公謝却之其後為運使  
罷歸諸賈人力請致羨餘九百金於公公拒弗內也獨在  
東平時受一帶於郡人太守張廊廊重義人也年九十餘  
矣未嘗謁於有司公去東平獨率子弟出餞且請贈公兩  
帶公辭不獲而受其一惟公能致廊之出惟廊能致公之  
受蓋兩相為重云其在黎平黎平所治苗獠獸伏谿崗間



頑獷不可羈紲而府治寓湖廣五開衛城諸苗入辦稅錢  
率為官軍攫取不敢入以是多逋課又舊設撫苗官苞苴  
黷貨大為諸苗害公力請罷之且移文湖廣諸司嚴戢官  
軍由是諸苗始出入城郭無所苦而稅錢得完諸苗有仇  
殺積十餘年不解者公與刻日為盟遂解去自是賢聲著  
蠻中在運司公清如州郡時鈐束貴勢人不得占鹽公雖  
以廉幹強直為上下所快亦以此取嫉於人故屢喬而屢  
蹶其自刑曹而出順德也坐中官羅織諸曹或謂公居曹  
未久可自白公曰諸曹皆無辜我何用獨免為在黎平上  
官以不時謁為咎然竟不往因齟齬力請謝病值闕瑾怒



罰米奪官則又蹶在運司為忌者所論則又蹶硜硜不肯  
少貶而世遂亦不能容公然其忠信著乎其官靖節乎乎  
其鄉則雖嫉公者固亦不得掩也公壯歲嚴毅晚更益以  
寬和絕声色綺麗博奕之好罷歸三十餘年未嘗一詣公  
府里人高其義有曲直多就公決公死時篋中無一金之  
積嘗有盜夜突入其室發篋空無所得怏怏去公為詩識  
之曰平生不受一文賄垂老猶疑千鏹藏所著有詩之若  
千卷及備遺錄補贊四臣事評蟻竅餘音諸書共若干卷  
藏於家張氏先世皆不仕而公父禛以公故贈奉議大夫  
娶於鄧而生公自公之存諸子諸孫已至二十餘人皆為



儒稱其家風其詳在狀誌中公卒於嘉靖戊戌五月八日  
次子塘等將葬公於萬安鄉之新阡啓公配過華二宜人  
之兆合焉而以墓道之碑請於余余著讀貢禹有言居官  
而致富者為雄桀處家而得利者為豪雋夫漢之俗尚近  
古然已如此又何責於後世之靡靡者乎以余耳目所見  
聞有不勝可慨者也然則銘公其可辭銘曰世下而趨純  
白日渝皦皦張公潔志勵行始官刑曹值闕見傾輿僚同  
禍而不自明麟獨信遂與世屯既奮而飛復曳其輪好公  
嫉公世有千態惟公抗節終始一槩公歸於家四壁故廬  
閉門終日左圖右書繁華滿前公一不好枵然空篋為盜



之笑三十餘年不出戶庭鄉人慕公曰此典刑鄉人慕公  
曲直就辨縉紳慕公罕見其面如公篤行今也則亡刺辭  
於墓以愧墨夫

浙江圖書館



亞中大夫山東都轉運鹽使司運使鄭君墓誌

銘

劉龍

山東都轉運使鄭君信卿至自京師僅數日以疾卒於家其孤守矩將圖襄事奉僉憲殷君文濟所著狀稱其父遺命請予為銘其墓予蓋君同年友也僉憲君以君之姻家亦為速予銘銘安得辭向予南來時遇君於濟北薄暮並泊中沅觴叙殆二鼓戀戀弗能別君曰吾得除當還還當一會而後行慈其還不可復見抑安忍銘君哉君諱瓚字信卿思齊其別號也其先河南固始人五季時有諱瓘者為評事徙浙之



平陽代為著姓 國初有諱政者始從戎南京駢騎  
右衛因家焉大父諱貴父諱讓俱隱德弗耀生三子  
君為長髻年即天資穎異從長史王君廷表治尚書  
見者竒之稱為遠器弱冠遊應天鄉校力學不怠期  
振門戶以成先志弘治乙卯薦於鄉己未登進士第  
授新喻令下車即課農桑均徭役平獄訟民賴以安  
乃葺脩廟學作興士類文化蔚然以治行被旌召為  
刑部主事疏乞養母改南京刑部遷郎中贈父讓如  
其官母魏封太安人持廉秉公獄無寃滯聲稱籍甚  
大司寇戈公禮遇特優擢知高州府尋以才堪治繁



調南昌府始至適宸濠謀逆締結權奸氣焰薰灼莫  
敢誰何豪傑之流亦徃徃被其籠絡君仗忠義奮不  
顧身歲時宴遺一無所與其群小不法輒問以編戍  
凡百需索峻為拒絕意在剪其爪牙潛消逆萌積恨  
既深遂以誣奏下獄煅煉屢瀕於死及變作猶械繫  
於舟欲脅以從君乘其怠得脫而登岸鼓舞義士且  
戰且行以所獲逆徒與馬若干奔獻軍門都御史陽  
明王公知府松月伍公相與慰勞委以原職守城因  
備陳賊情并蕩平方畧多見采納卒得罪人君復搜  
剔餘黨撫輯居民以俟其定君子謂是役也君實與



有力焉顧以介直忤當事者竟不蒙錄物論稱屈屢  
經勘覈久之不報君乃自陳始末事下吏部移兵部  
取質遂白以聞擢河東都轉運使值太安人壽八十  
馳歸為壽乃不及見君哀毀幾不欲生家居讀禮餘  
不暇及起復改山東運使放舟南還未至疾已作遂  
不可瘳卒嘉靖己丑四月二十三日距生成化卒卯  
六月四日壽五十有九配張氏贈安人繼陳氏封安  
人側室胡氏子男三守矩氣宇清雅足承家學守忠  
守恕俱幼女三長適殷孟即僉憲君之子與其次俱  
卒其季尚幼將以是年月日葬鳳臺門外新亭鄉堽



磨村之原從先兆也銘曰西江昂沸狂濤鼓風張爾  
赤手欲障其東力雖弗逮氣也則雄身雖可辱志也  
則忠竟以奇畧贊成大功將謂伊拜必位之崇將謂  
伊考必筭之豐事多遺憾理固難窮維茲壯節挺然  
在躬不以忌泯不以壽終九原有木維栢與松歲寒  
凜凜氣魄迺同將千百載庇此幽宮過者起敬是維  
鄭公





浙江圖書館



亞中大夫長蘆都轉運鹽使司運使渭川東公

行狀

左輔王維楨撰

公諱漢字希節別號渭川成化乙未五月二十四日  
生嘉靖辛丑十二月二十四日卒得年六十有七歲  
卒之一二日呼其子棐屬曰我死即銘我必王氏子  
狀我而可言至再王氏子者翰林檢討王維楨也公  
有兄弟凡五人曰周七品散官曰魯兵部車駕郎中  
公兄曰郊監察御史曰野刑部主事公弟而車駕公  
者王氏子之外舅也故悉東氏之闕諳東氏之履者  
皆莫先于王氏子王氏子將辭里之官棐皇皇踏門



求止曰先生去即誰與狀先大夫乃述先大夫易簣  
之言懇懇于楨者如此乃楨竟不得以脂車辭遂為  
之狀狀曰東氏之先蓋鞏昌人有諱良惠者仕元為  
商州總管值紅巾亂城陷死之於公為高祖事定高  
祖之配鄧攜其子驥走居華州不去遂世為華州人  
驥子昇博學有文以貢為商河縣丞驥公曾祖昇公  
祖也昇有子四人舉進士者三人長思忠四川按察  
兵備副使次思誠吏部考功員外郎次思恭兵科給  
事中而渭川公者按察公第三子也按察公配薛恭  
人而生公公生之夕恭人夢樂聲洋洋自空中下導



一綠衣婦盤捧嬰兒降恭人寢所謂恭人曰此與若  
子公生而天性孝友靈穎非常年十一按察公卒于  
官公扶柩悲號自蜀及家間關數千里不替比長窮  
覽墳典刻厲有志嘗曰夫余冠簪之胄而書史之業  
也先大夫沒垂空橐以歸乃余兄弟不自圖振令興  
迨累老母其何顏見先大夫于地下乎弘治癸丑車  
駕君謁試禮部公從之至京因受無錫秦公之學無  
錫之學主理公旣依秦乃遂即其京之慶壽寺僑寓  
卒業嘗夜不就榻晝自炊食惡衣蔬飯意澹性恬若  
不自知為貴家公子如今之藉梁肉縱厭飫者久之



學大益曰吾可歸矣歸遂為學官弟子有名會邃菴  
楊公者校士華州覽公文詫曰何物英俊而究理若  
是乃優之首拔置正學書院書院萃三秦之才乃三  
秦之才亦靡不推轂東氏矣戊午果中鄉試高等當  
是時人謂公進士可一捷而公亦以探囊視進士乃  
五試有司竟不合豈非命哉正德卒未渭川公始就  
選吏部授直隸池州府同知語人曰吾母老矣族必  
弟能養吾懼雍露之先晞也且臯夔稷禹咸焯焯若  
是從何第出哉夫人貴自樹立耳至池州會池州造  
黃冊同知督造黃冊立法祛弊招亡附籍收九百一



十八戶男婦二萬三千二百二十二口大稱增益劇  
賊劉七起攻陷劫掠流薄江湖吳楚間勢如烈熾莫  
有敢禦同知曰鬪士死戰義夫死守乃點選民兵得  
壯丁數千人各陣于永豐鎮鬪壠口雞壠山等處晝  
操夜守斷絕賊路賊以是不犯又石埭章仁者起兵  
謀叛患且不測賴同知計乃止殲渠魁餘黨悉降得  
无虞又胡天寵者連結王浩八聚衆行劫衝突无方  
同知分兵于大洪嶺莊嶺赤嶺羊棧嶺逆通夥祁等  
處下令曰賊來直前力戰有後者論死賊凡數十遇  
輒敗衄遁三月賊遂平此即介冑之勇衛霍之略不



能踰矣人嘗言書生書生豈可謂池州公哉而又有  
糧長柯瑞者匿金於盒覆蒲萄其上稱獻蒲萄而中  
實金公覺之發其事而坐以罪民於是有水清之謠  
又有陳文寶者劫殺人而匿胡三隆所捕者至文寶  
賣捕者顧誣指三隆為劫縛于官文寶獲賞公察三  
隆有寃色而文寶即應口吐實三隆得釋人服其神  
由是三吳數郡之政咸稱池州而池州之聲蓋纍纍  
騰薦牒矣甲戌改鎮江府同知同知治鎮江一如治  
池鎮江之人戴同知一如池或勒像于石祠之家同  
知之政大抵察民隱剔政蠹戢豪右斥姦究故所至



咸戴云丙子陞南京戶部雲南司員外郎庚辰陞本部河南司郎中員外郎故有廉聲寧藩之變部議齎金募兵諸當行者輒辭不往獨員外請行已又返其羨金大司馬喬公聞之歎曰毅哉東員外不可能也乃疏薦之

武廟南狩天兵百萬員外以輸餉不貲 欽賞白金二十兩綵幣二表裏一時稱焉既為郎中奏檄清查江西錢糧得五百萬石宿弊一洗然勞費心神遂以疾乞歸而侍太恭人養于家歸三年而為嘉靖甲申遂即其家陞江西九江知府九江三年有脩



文廟之功辯海盜之誣毀淫祠以正俗殄渠寇以靖  
難等事丁亥改南昌南昌視九江倍劇知府優優理  
之一時無事時有鎮守黎太監者怙勢張威誅索无  
忌獨不能干知府知府見之傲不理遂拂衣出會錦  
衣使者至意將干知府太監聞之為錦衣言曰固且  
止東太守為人剛直犯之不可屹屹如此歲大饑出  
粟救餓他郡悉來就食不為禁曰均吾民也奈何分  
彼此耶活者數萬人於是巡撫陳公巡按徐公秦公  
咸薦知府為九江兵備副使會當塗弗悅不報戊子  
陞長蘆鹽運使司運使一年釐弊通貨商人戴之為



勒石頌德庚寅上疏乞致仕事親略曰臣母八十有五歲矣而又喪明艱能就養臣日夜思之緣厚籍國恩未忍言去即使母壽及百年計得侍才十五歲耳矧人生驟驥飄風也臣願得歸願

陛下恤臣私上許之歸一年而太恭人卒哀哭骨立臥土草于柩側大冬嚴雪未嘗知避嗟乎孝哉運使歸時諸兄弟獨御史公在御史公有同樂園在城南華山之隈公亦治圃西溪建四望樓構淡然亭築友華臺鑿愛蓮池景色靈勝並稱兩絕二公者時命車載酒和歌交歡鄉人傳羨嗟慕比之二疏二疏者



辭榮知止克享餘齡者也御史病卒運使痛悼於邑  
竟致疾至此悲哉配武氏處士義之女封宜人內政  
肅嚴視公克儷側室趙張又克式武余先配東孺人  
每往來公家為予道之男子三人長榮太學生娶里  
人薛尊周女次即棊州學廩膳生娶華陰歲貢生楊  
盡忠女季栗與榮俱先公卒女子二人一嫁為知縣  
王君贊子謙卒又先一嫁為隴州河南叅議閻君欽  
子生員司繼榮有四子璠瑋珮璣棊有子女各一珣  
柯葉繁茂振振誥誥謂非天之報德人邪壬寅三月  
二十六日棊將葬公華麓先塋之次告余期余問棊



曰翁昔何著斐曰有仕優則學稿不自棄稿閒居雜  
興稿凡三種又問何教曰書室中大書知命安分寬  
舒忍耐八字於壁意蓋自謂而并訓愚王氏子嘆曰  
東氏固多聞人膺仕若渭川公并鄭亭公皆稱有道  
鄭亭在工部余往往從游今既沒乃日想見其為人  
渭川公有斐英妙稱竒足紹予裘振門闕意鄭亭亦  
當有爾昔余欲狀鄭亭而不獲乃今狀渭川故因狀  
渭川而輒思鄭亭不置鄭亭諱實字希大號鄭亭官  
至工部郎中給事公之子為渭川從弟二公者魁偉  
莊毅而中復坦蕩而渭川公軀滿七尺偉加鄭亭面



如紫玉坐立如山見者肅然起敬余既次其事而並  
著其貌俾世世有述云



浙江圖書館



運使趙公神道碑銘

少傅大學士李本撰

予為舉子時青石趙公為三衢守公獎掖後進興起  
斯文於是創書院簡屬邑弟子數十員羣其中聘予  
誨之予時賤貧而公深器重輒枉推轂解衣授餐蓋  
平生相知無如公已公既歿題公墓者匪予其誰哉  
按狀公諱可與字令中別號青石吉郡安成人系出  
宋宗室公在襁褓乳媪不戒忽失手墜江中頃之浮  
水出不死聞者嘆異甫九齡即善屬四六閣老彭文  
思公亟稱許之長乃從尚書趙莊靖公游得三傳宗



旨正德癸酉領鄉書再上春官不第授蓬萊教諭蓬  
萊海上邑無逢迎而山海奧竒公益肆力問學勤飭  
教事攬結之暇發為文章閑肆淵博方伯姚公鏞見  
而偉之辟脩齊魯通志已復被聘校文關中簡擢皆  
名士故事校官歷陸年得復會試公自謂及期取上  
第無難矣乃當路交薦之居肆年以經明行脩徵擢  
兵部主事歷員外郎郎中甚為尚書遜菴李公幸菴  
彭公所著諸大章疏多出公手既而擢守三衢衢人  
多魯士蘇嚮學公每行學令諸生橫經質難條析疑  
義人人解頤已復選五邑之雋就予師資而躬自課



督令都御史毛君愷宋君淳大理少卿趙君鏗布政  
司徐君霈給事中徐君公遴吏部郎徐君文沔暨科  
甲士拾數人斌斌在列公所造也在郡有多異政語  
在生祠記中予不復詳矣後以書最行䟽復趙姓尋  
轉福建都運時御史某見公伉厲守高不為屈甚銜  
之誣公陰事事白當復任而公遂懸車公以文章政  
事知名當世在林下垂叁拾年生于成化貳拾壹年  
沒于嘉靖肆拾年壽柒拾有柒歲居常著書課子樹  
陰德子以文以春秋擢魁今為京兆判駸駸嚮用矣  
孫伯磨積學待發其所著孤樹哀談青石遺稿已行



于世由此言之豈在通顯哉其他行履若卒筵之期  
吏尚書歐陽公已為誌予特表其大者銘之

銘曰矯矯王孫令名長存曷曰長存曰維有文堂堂  
郡守盛德不朽曷曰不朽曰維有後

浙江圖



亞中大夫長蘆運使柳溪許公墓表

亞中大夫長蘆運使許公卒之明年其兄今太宰柱  
國少保兼太子太保松臯公以太僕寺寺丞杜君緯  
狀授毅齋子承恩曰予弟塋有日弟惟一子治塋事  
不能出子其為我據此文於石以表諸墓予既諾退  
則叙曰許氏為靈寶著姓其世系甚遠唐宋及勝國  
代有顯者乃今益盛先襄毅翁位冢宰階正治上卿  
太子太保卒贈光祿大夫如今太宰階實生子八人  
皆賢而先戶部尚書謚康敏公洎今太宰尤綽緯顯  
大公則襄毅第六子也諱詞字廷章別號柳溪以襄



毅恩授南京都督經歷改中軍都督府經歷明年擢  
守貴州思南府以母憂未任服闋補湖廣鄖陽府改  
四川保寧府尋擢今官未幾以疾卒公少而雋敏孝  
友篤至襄毅公卒奉母太夫人能色養承歡疾則躬  
侍湯藥衣不解帶事親兄如嚴師欽欽佩服訓言無  
怠以故德器夙成既入仕益自樹立才識恢裕宦輒  
所至動有成績其知鄖陽也值歲侵公告糴旁郡賑  
給有法全活不可勝紀故有寃獄久不決公辨出之  
保康為鄖陽屬邑先是邑有不軌者事涉於學討逆  
後學遂廢久莫克舉公申上官奏白得旨則卜地



創構黌宮置弟子負悉如故第六龍南狩檄務旁午  
供億百出有司徃徃逃避公獨挺身任事總理周密  
構宜城行宮二百楹不終日而事集顯陵之後  
徵鄖七邑燒造磚埴里甲科歛紛然公力請當道聽  
市薪開窰於承天近地量發民夫給役費乃大省保  
寧徃歲曾議封壽王於其境府既構而輟居遺宇  
故存雖經奏毀廢而莫敢任其責者風雨摧剝行道  
為嗟公率屬經理其事易貲得鉅萬實公帑以餘材  
繕葺學舍洎諸廨宇即廢址列市肆區畫井井六十  
年棲斧之地倏為一都會蜀人歌羨之公既以才敏



達於政名日益起撫按臣交章薦之藩臬率署上考  
至上被天子獎譽在鄖時以平賊功洎迎駕勞

勩兩拜大紅表裏之賜其改保寧也特旨若曰知府  
許詞殫勤任事加於諸臣之上其調繁劇以盡厥才  
縉紳傳以為榮保寧任未幾即超拜今官蓋駸駸向  
用而惜也公死矣初公居常思當世大務言漕事當  
預擬常變欲江舟達淮淮達汴至開封府陸運至衛  
輝入河若河澁則悉從陸別設官招募不過百八十  
里可達京師庶緩急得濟疏擬上未果人皆以未盡  
公才為惜曾祖 祖 皆累贈如今太宰官階襄毅



公諱進前母張氏母高氏俱累贈一品太夫人兄曰  
詔舉鄉試早卒康敏公諱誥今太宰名讚日記辭蔭  
不任以齒德重於鄉曰詩舉人任前府都事弟曰誌  
今廣西全州判官曰論今南京大理寺丞公娶都憲  
白水侯公女有賢德子位邑庠廩膳生娶杜君女女  
三一適垣曲趙應豐一適洛陽李桂東一聘中都劉  
皆庠生孫男茂樾尚幼公生于弘治辛亥三月十  
三日卒于嘉靖辛丑九月二十三日得壽五十有一  
塋邑之九里崗襄毅公墓次毅齊子承恩曰予嘗觀  
闕閱之家世濟厥美徵之唐宋如許氏者殆亦有數



夫本厚則末盛源深則流長又古詩云地靈人傑許  
氏積德既遠而洛陽萃天地中和之氣名山大川蜿  
蜒盤礴鍾靈毓瑞許氏實當其盛是故代生偉人其  
父子兄弟既以名德勛業相望餘亦皆揚翹競秀崢  
嶸卓立蟬聯仕途奕燁有光語曰徂徠之林不產凡  
木崐崘之土不產燕石言其種則然也則柳溪公之  
賢豈偶然哉豈偶然哉系之詩曰

許公閭閻洵羨而文生於德門有賢父兄相觀相師  
考德論學靡肆靡拘日見卓犖官政服勤夙夜弗贊  
督府持廉名邦撫字流殍無歸公煦嘔之濫獄不辜



公雪洗之脩復學政育爾俊髦省厥徵科民用不擾  
事有遵行當務竟究汝避其嫌孰執其咎事有倉猝  
須以承汝避其難咎將孰勝惟公惟勤靡恤艱阻  
從容指揮咸中厥度政立教行聲聞煒奕薦交馳皇  
恩下錫殫厥才智有不足為宇宙內事悉吾心思邦  
計攸資漕事為鉅常變機宜公有論著頃歲河徙棘  
於轉輸臣工束手當宁疇咨方策具存莫或為舉  
通變達權公有攸處經世志略具見一端不究厥施  
有識所嘆爰樹貞石松楸之下刻茲銘詩以詔來者



七



浙江圖書館



明故亞中大夫山東都轉運鹽使司運使見韋

俞先生配潘安人合葬墓誌銘

文滢

潘恩

隆慶御曆之四載歲在庚午十二月十有八日吾邑  
亞中大夫山東都轉運鹽使司運使國華先生俞君  
疾卒瀕危時呼鳳梧諸子命之曰吾疾不復起生平  
慚無善狀顧爾毋潘安人先我三十餘年卒殯祖塋  
側墓木拱矣懿行種種未有撰述吾恒歎焉異時同  
穴著銘以垂永久若等情也惟慎言之無飾則可傳  
信將來語畢欷噓而終鳳梧等哭泣不勝受命惟謹  
二歲壬申卜正月三日庚申厝於塘涇祖塋之右



啟安人樞大封焉持狀來請銘安人子女弟也憶予  
疇昔弱冠時安人年未及笄聰慧婉靚予母錢夫人  
鍾愛焉期擇良壻國華父南溪君娶奚氏生國華而  
母氏蚤喪育外家國華偕中表弟奚憲副遂御晨夕  
同起居肄學業並有時譽南溪君業賈居闔閩中近  
予舍一日媒氏來議昏予先大夫頤庵府君未之許  
既而問予予跪對曰俞氏子年少學勤可妻也惟大  
人裁擇先大夫暨母夫人頷之予妹繇是嬪于俞氏  
已而國華棲遲黌校垂三紀餘屢屈文場君益奮勵  
志不衰息嘉靖壬子始舉應天明年癸丑聯舉進士



迄今位躋金紫無言安人短折不克偕老子父母亦  
不及見君顯榮爰有遺恨予忍銘吾國華哉悼蘭芳  
之凋謝傷如之何憐大材之晚成今其已矣追憶我  
親容聲宛如在目愴怳增悽曷能已已予忍不之銘  
哉遂援筆而書誌曰君俞姓諱文榮字國華別號見  
韋效昔人佩韋之義先世從宋南渡徙居上海鎮竹  
岡之南有竹居君者為君高祖竹居生盛盛生藻藻  
生裔即南溪君國華晚登甲科筮仕縣令得浙之樂  
清邑治負山帶海值倭夷入寇民罹愁苦焚如溺如  
君至植利剗害噓以清風濡以甘雨闔邑忻仁愛之



孚築城濬池與民守之不擾不驚禦負得貞固之略  
在邑六載冰蘖自持銓司以再考擢刑部山西司主  
事漕運理刑釐革奸弊行署肅清軍民著明允之誦  
三載考績贈南溪君如子之官贈母奚氏封繼母金  
氏為太安人贈室潘氏封繼室宋氏俱安人歷本部  
山東司正郎改南兵部職方咸有賢譽擢守雲南君  
叱馭以行至滇順習遐俗撫衆以寬示民以信執事  
以敬以勤荒服樹循良之績隆慶歲丁卯擢山東運  
使莅任未幾束裝南還行李蕭然傳云理善烹鮮衆  
瘼自蠲千室鳴弦懷我風愛大夫有焉若其歸田明



農優游樂志稀跡邑庭確乎介石之操善與人交傾  
露肝膽不立町畦渾然敦朴之風堂構承先燕貽啟  
後子職不愆事繼母以愛敬待昆季以友于益隆孝  
弟之譽此皆行義可紀絕者也卒之日距生弘治辛  
酉八月十六日享年七十云配潘安人緼德芳閨蘭  
儀玉潤出懋蘋藻壺政穆脩若其親饗殮窳酒漿視  
庖爨不辭勞勩緝治女紅秉燭繼日相夫君誦讀經  
史時至夜分警戒效雞鳴之風孝舅姑順娣姒睦族  
鄰秉禮去泰持敬蹈和宜家協桃夭之化居室數年  
子嗣未育則又推情逮下惠而且均媵從感江沱之



德婦道姆儀罔一虧缺傳云端操有蹤幽閑有容昭  
我管彤安人有焉卒于嘉靖癸巳二月初九日距生  
弘治辛酉九月十七日年僅三十有二喪淑之傷愬  
諸蒼昊孰探厥始孰究厥終哉子男五人長即鳳梧  
太學生側室錢出次鳳罔太學生次鳳岐俱側室顧  
出次鳳噫次鳳嗜俱宋安人出女三長適光祿寺監  
事趙一舉潘安人出次適唐國華次適瞿弘謨俱宋  
安人出孫男二人長後徵次某銘曰  
恂恂大夫東海賢標芬甲弟高騰騫循良最績郡邑  
傳收華歛齔亟歸田煌煌金紫歷稀年秉德不隊賁



丘園嗟嗟安人洵女士貞吉含章鍾德美相助夫君  
綜圖史文藝蜚英名日起蘭芳早墜胡為爾雲翟褒  
榮照蒿里數之不永亶可傷連理增悲慘不揚泉臺  
孔固體魄藏雙壁輝聯神內光覆露雲仍後祿昌善  
積祉獲吁無疆

浙江圖





浙 江 圖 書 館



朝請大夫贊治少尹河東陝西都轉運鹽使司  
同知侯君墓碣銘  
吳寬

成化戊戌河東陝西都轉運鹽使司同知華亭侯君  
得致仕之請時年五十九後十年會 朝廷上 皇

太后徽號推恩臣庶以其子直仕於 朝當受封典

獲進階朝請大夫贊治少尹己而直復用 詔旨歸

省而君先以疾卒實丁未七月三十日也享年六十

有八君諱蓋字進忠姓侯氏其先汴人也從宋南遷

始居松江故今為華亭人高祖道元當元季兵荒好

為義事曾祖彥才祖世隆考圭竝以隱德稱母盛氏



君少游郡學廬陵孫先生時為教授命作無極太極  
論文成理致粲然甚見稱許正統辛酉中應天府鄉  
試屢試禮部不中景泰乙亥竟從吏部選尚書泰和  
王公見其文歎曰子何乃不得第進士耶擢寘第一  
授襄陽府同知君至以屬吏不知為政取前元張文  
忠公三事忠告刻木傳之痛抑豪民為襄王所知厚  
加禮待三年俄丁父憂服除改處州州號難治屬邑  
龍泉慶元居民盜鑿銀鑛恃險為亂鎮守中貴人欲  
請於朝盡勦絕之君言此州民常態願往諭之用其  
言民皆散去竟無事秩滿乃擢都轉運鹽使司同知



鹽池無垣諸無賴相率持兵械入池恣取徃徃爭奪  
殺傷有司莫能禁君上䟽陳其弊 朝廷命御史一  
人巡視而人乃知惧仍用其說築垣以闌人躋垣廣  
袤百二十餘里外鑿濠濠外復築堰以防水患周垣  
建鋪舍二十四以居邏卒復創分司二於池之東西  
功畢而鹽弊頗革先時池旁居民每藏私鹽窖中以  
牟大利君諭以利害民爭自首悉歸所藏於官自是  
鹽法大通商賈益至邊徼多儲蓄歲省轉輸之勞又  
歲嘗大雨池水泛溢鹽無所出君率寮屬致齋七日  
禱於池神明日天霽而其旁數里雨如故人以為誠



感蓋君居官二十餘年盡心職業未嘗有過年未六十即自引退又可謂難得也已君事父母盡孝游太學時值正統末京師有警知其親之念已欲得歸省請於祭酒蕭公公不可君力請而歸及既貴恒以祿不逮養為恨友其弟尊能讓遺產與之教諸子誨諭諄切鉅細不遺至於人交坦易不變尤好面斥人過人多敬服之其為學務博覽亦多著述配沈氏有賢行先卒初以子方貴封安人後從君贈恭人子男五長正次方湖廣提刑按察司僉事次平郡學生次即直刑部主事次朋孫男九僎儀儼倬份偉僖份某女



四長適戴恩餘在室君與山西副使朱公瑄江西叅  
政盛公綸為中表兄弟友恭甚至盛公沒君哭之慟  
及是君沒朱公尤哀悼之乃為狀授其子正等於  
是直來給部符將歸守制以予有斯文之雅泣告曰不  
幸先君棄諸孤卜葬有日矣敢以墓上之文請幸憐  
而畀之予曰唯唯乃據其狀序而為銘銘曰維侯  
之先從宋而遷松水卜居殆數百年烏泥之涇來自  
唐鎮世濟隱德發於後胤維朝請公仕以學優惠政  
及人兩佐大州國計所資民不熯海相奪且傷孰為  
之宰乃擢運司有䟽具陳朝議聽之直指出巡隱然



高垣竝手以築商賈集焉邊餉斯足局不久任遽引  
其身俯視無憂家有朝紳昔時甲科今遺其子俄涉  
崇階曰有詔旨孰不富貴考終則難孰不壽考嗣後  
則單藏茲維深剝石以表百世之餘識其宅兆

浙江圖



明進階中議大夫贊治尹長蘆都轉運鹽使司  
同知石川先生楊公墓誌銘  
許宗魯

吾鄉稱文獻大族首臨潼楊氏方予童子時受學於  
我季父葉君偕葉君游者臨潼諸楊為最若司訓懷  
仁僉憲樞司訓栻方伯淳與轉運公皆莫逆交也予  
執經旁侍聞轉運公論談為多大抵其言以忠孝廉  
節為本其學以修己治人為任當其據事發論侃  
亶亶乃其體貌巖岸見者罔不推服予心師宗之嗣  
予為銜史巡按江南道出杞國見杞之治蹟異於旁  
他邑坐父老對下問之父老曰是我先楊侯治也予



詳其由父老曰杞濱於河歲罹凶災公府民居草莽  
沮澤田野疆里漫漶污渚國賦家藏逋負困竭鉅盜  
流劫井邑焚蕩中璫誅求絲粟靡遺杞民相眎轉於  
溝壑矣我侯適至勤心經理宮飾野闢賦充藏賦盜  
不入境橫歛迸避杞民乃生今侯守汝矣治遺固若  
也予嘆曰嘻良哉令哉比予視學入楚取道於汝見  
汝之民上下長少揖遜有禮耕讀有業恬恬熙熙若  
古之遺予問之其民曰此吾前守楊侯之政教也曰  
吾汝之俗樸而野民情於業而闇於禮楊侯至止課  
民之業以耕以讀教民以則而納之禮政迺大成侯



去汝治固若也予嘆曰嘻良哉牧哉今觀其狀載公  
治杞治汝事蹟班班與予所見合其在杞則禦流賊  
止誅求二者尤事之難而金帛之錫蓋亦殊寵也迺  
其在汝之政建明道之祠表三蘇之墓其所以風汝  
者為先故杞人頌其政汝人服其化若其同知大名  
革小灘對運之例銀同知松江辭芟草之金去織造  
之弊息坍江之爭却考績之贈皆播之聲詩傳諸遠  
邇揆之杞汝鑿鑿可信云狀曰楊氏華陰之裔後徙  
澄城至國初處仲微始編籍臨潼仲微生和和  
生讓讓生智配尚氏繼魏氏寔生轉運公公名椿字



子喬號石川初從季父懷仁授尚書後又從臨潼周先生景咸寧高先生冲授毛詩垂髫為文有奇氣提學浮梁戴公石淙楊公皆賞其文稱曰佳士弘治乙卯舉鄉試第二人五試禮部不第銓授河南杞縣知縣用薦陞汝州知州尋陞直隸大名府同知丁外艱服闋復除直隸松江府同知居松七年陞長蘆都轉運鹽使司同知乞休上嘉其廉退予致仕故稱轉運公云公初配王氏繼室談氏貳室陳氏男子四濬國子生取南氏繼南氏側孫氏張氏重光殤俱王出濤聘王氏湜未聘女子一美鳳俱陳出孫男子一東



曙女子三俱濬出轉運公生成化乙酉三月二十日  
卒於嘉靖己亥七月初三日壽七十五卜葬於嘉靖  
庚子十二月二十五日兆在祖塋之東石川河之西  
公生時自為也許宗魯曰予志轉運公文有詳略者  
蓋重予所見以例其餘也大都於人見者為確聞者  
半之若轉運公家食之行宦遊之蹟予益見之十六  
七矣夫志以傳信詳予之見正以信於人人也狀載  
公令祀日嘗書忠孝歌以徇民民各自勵盜不入境  
夷考公奉公守法不畏權畏嚴親惇族終始不渝蓋  
身體力行者迺其進禮退義履滿知止尤足以廉貪



立懦得聖賢之訓焉至其退處於鄉謝跡城府相羊  
丘壑壽考康寧以終天年古稱達人公其類歟宜述  
銘章以告來世銘曰瑞世之祥維麟維鳳佩德之臧  
維珪維璋較才之良維棟維梁轉運斯皇麟兮鳳兮  
珪兮璋兮棟兮梁兮休有光兮



河東鹽運司判官前尚寶司司丞兼翰林院五

經博士董朗洲墓誌銘

子儀

孫承恩

董子朗洲判河東鹽運司之三年為嘉靖戊申四月  
廿四日以疾卒明年其子懋延將治塋事持奉化尹  
徐子伯臣狀謁予銘董之先與余宗俱汴人從宋南  
渡耒松世有姻婭董子自少以諸

洎舉進士

登仕籍余適在朝相與殊厚董子仕漸達矣忽得  
外補去余力不能振起之方日念焉乃遽大故也悲  
夫董子才性敏慧強問學能文章為當道者所知與  
由刑部浙江司主事改禮部儀制司未幾選入內閣



典制誥遷尚寶司司丞兼翰林院五經博士與史館校錄今上崇事玄典凡祈報章詞內閣所進多出董子非董子製則弗稱以故諸老爭欲致之門下董子苦於酬應勤日夜弗休雖隆寒盛暑或值病亦不得自解釋緩急不能人人悉如意於愛憎易生而其同事者顧謂其矜能自銜也從而妒之又諸同事者類多雜流董子以名進士翹然處其中居常吐論侃侃不少附和人於是嫉惡者叢至而謗刺行矣其補河東也鹽司權利之所忌者謂董子居官貧薄或可移易其志而敗其平生而董子操持愈勵方且



閉門脩業鹽司者亦雅知其人不責以職守常務約  
饗效士數百輩俾侍董子講究經義董子復和易明  
切劇懇至多士愛附監司益禮重之具薦牒有持正  
其澹泊之許愛董子者謂且傷 召還而當道意靡  
同忌者惟恐其未軋已也多方阻抑有矣寧肯援手  
出一語者乃至一墮不復天平人邪夫才性如董子  
少自貶損與時和同崇秩厚祿當不 致而董子愛  
矯子以自取困落莫如此乃至死無以治後事監司  
命給於官職者尤深悼惜之斯益可以得其為人矣  
余讀徐子狀殊覩縷不能悉特以自擊與所知具列



為董子諱子儀字羽吉別號朗洲高祖思忠曾祖以  
和祖經父龍號南田為鄉善士封刑部主事母喬氏  
有賢德贈安人娶黃氏封安人子三長即懋延孝而  
好學能肖其父娶大叅宋樗菴孫女次馭延殤次戩  
延女二適鄉進士周頌早卒次幼孫男傳洙女二董  
子生於弘治壬戌正月二十三日距卒僅四十有七  
葬以己酉十二月十五日墳在俞塘之南原銘曰

嗚呼朗洲人患無才而亦或以才累人苦隋廢而亦或以  
勤毀惟子潔脩志行邁流忌子者仇子則何咎壽  
命弗長匪天誰尤嗚呼朗洲攬萃弗食實竟何為哉





浙江圖書館

浙江圖書館善本

甲 登記號：006684

一九 年 月 日




4



浙江圖書館



colorchecker CLASSIC



xrite





colorchecker CLASSIC



浙江圖書館

x-rite

100mm